

Tajuk : Peminta Temuai Jemah Ila Disadang Bisi Penyelai

Peminta temuai jemah ila disadang bisi penyelai

Kitai ke nyadi Malin Temuai aruh nyikap diri napi peminta nya

Dikarang Jacqueline David

KUCHING: Kitai patut nyikap diri napi peminta temuai ke rinduka pasal adat sereta main asal menua tu jemah ila, ku Menteri Dagang Temuai, Datuk Amar Abang Johari Tun Openg.

Iya madah baka tu lebu nimbal tanya pasal kos Diploma ke deka diatur ungkup Malin Temuai ke belisin menua tu seraya nyungkakka penemu sida ba renggat Diploma, sepengudah bejadika Kalendar Atur Dagang Temuai 2013 ba sebengkah hotel antarabansa ditu, kemari.

“Malin Temuai ke ngembuan pengelandik baka tu diguna kitai, ngembuan mayuh penemu sereta orang ke bepelajar,” ku iya.

Naka ke diatu, Malin Temuai ke belisin di menua tu semua bisi setipikit dalam ‘Sarawak Incentive Tourist Guide Enhancement’ (SITE) ke dibagi ngagai tiga bengkah

“ Malin Temuai ke ngembuan pengelandik baka tu diguna kitai, ngembuan mayuh penemu sereta orang ke bepelajar. ”

Datuk Amar Abang Johari Tun Openg
Menteri Dagang Temuai

(Localised and Nature, City enggau Parks).

Ku Abang Johari, nyambung pelajar ngagai renggat Diploma naka ke diatu bedau ditemu enti kos tu deka diberi perintah subsidi laban nganti jurai ari Serakup Malin Temuai Sarawak, Opis Menteri Dagang Temuai pampang Sarawak (MOTS) enggau sekeda opis kandang menua bukai.

“Kos tu baka ke disediaka kolej tang pemerat diatu, iya nya ngaga kurikulum ke dikelala palan pelajar tinggi sereta industri dagang temuai,” ku iya.

Kos Diploma nyadi Ma-

lin Temuai tu deka diberi setipikit Diploma enti Malin Temuai nya ngabiska 2,000 jam kredit, masuk kelas penuh jam, baka atur di kolej tauka universiti.

UNIMAS dipadu nya-di palan pelajar tinggi kos Malin Temuai nyambung pelajar sida ngagai renggat Diploma.

“Entara subjek diperambu deka diajar mungkur adat, Geologi, Kampung enggau sekeda pekara bukai ke ngena ba industri dagang temuai, enggau menua tu, lalu enda tau enda pas dalam subjek tu” ku iya ke arapka kos tu ila deka nyendiaka Malin



ABG JOHARI

Temuai menua ke bekualiti sereta profesyenal.

Sama bisi ngulu aum media tu kemari, iya nya Menteri Muda Dagang Temuai Datuk Talib Zulpilip enggau Datuk Gramong Juna, Sekretari Mendam MOTS Datu Ik Pahon Joyik, Ketua Eksekutif Sarawak Tourism Board Datu Rashid Khan, presiden Sarawak Tourist Federation Audrey Wan Ullok enggau Chairman SITE Azahar Hussain.